



Instrucción 3/2021 sobre organización do traballo logo da finalización da situación de emerxencia sanitaria

A presente Instrucción dítase ao abeiro do disposto no artigo 6 da Lei 40/2015, do 1 de outubro, do réxime xurídico do sector público.

1. Antecedentes

O día 13 de marzo, a Xunta de Galicia, publicaba no DOG núm. 50 bis), a *Resolución do 13 de marzo de 2020, da Secretaría Xeral Técnica da Consellería de Presidencia, Administracións Públicas e Xustiza, pola que se dá publicidade ao Acordo do Consello da Xunta de Galicia, do 13 de marzo de 2020, polo que se declara a situación de emerxencia sanitaria no territorio da Comunidade Autónoma de Galicia e se activa o Plan territorial de emerxencias de Galicia (Platerga) no seu nivel IG (emerxencia de interese galego), como consecuencia da evolución da epidemia do coronavirus COVID-19.*

Ao día seguinte, o Real Decreto 463/2020, do 14 de marzo, publicado no BOE núm. 67 da mesma data do Goberno do Estado, declarou o estado de alarma e a Xunta de Galicia, as Resolucions ditadas o 15 de marzo de 2020, publicadas no DOG núm.51 da mesma data, o Concello de Bergondo, xa comunicou aos seus empregados que o luns 16 de marzo, non acudisen aos seus postos de traballo, agás os responsables dos servizos e os requiridos pola alcaldía ou concellería delegada correspondente.

O luns 16 de marzo, ditouse a Instrucción núm. 3/2020, na que, coa finalidade de preservar a saúde dos seus traballadores/as e colaborar cos organismos oficiais, traslada aos seus empregados/as o seguemento das recomendacións de hixiene marcadas nas citadas Resolucions, nas indicadas na Instrucción 2/2020 e as publicadas nas últimas horas e con respecto ao traballo, favoreceráse o teletraballo ou traballo dende os domicilios e a flexibilización horaria, como se indicara na anterior Instrucción 2/2020 e nas comunicacións dirixidas a todos os/as empregados/as públicos municipais a través de wasap.

Resolveuse tamén que as oficinas do Concello de Bergondo permanecerían pechadas ao público, en tanto durase o Estado de Alarma decretado polo Goberno do Estado ou as súas prórrogas. E que a atención ao público canalizaríase de 9:00 a 14:00 horas, de xeito telefónico no teléfono 981791252, e de xeito telemático, a través da Sede electrónica municipal, as 24 horas ao día todos os días da semana, tal e como se ten indicado na publicación deste Concello na web municipal www.bergondo.gal

O Consello de Ministros na súa reunión de 28 de abril de 2020, aprobou o Plan para a desescalada das medidas extraordinarias adoptadas para facer fronte á pandemia do COVID-19.

O citado Plan aprobado polo Goberno do Estado estableceu o levantamento das medidas de contención de modo gradual, asimétrico, coordinado coas comunidades autónomas e adaptable aos cambios de orientación necesarios en función da evolución dos datos epidemiolóxicos e do impacto das medidas adoptadas.

O seu obxectivo fundamental era conseguir que, mantendo como referencia fundamental a protección da saúde pública, recupérese paulatinamente a vida cotiá e a actividade económica, minimizando o risco que representa a epidemia para a saúde da poboación e evitando que as capacidades do Sistema Nacional de Saúde poidanse desbordar. O Plan establece unha fase cero ou preliminar e tres fases de desescalada diferenciadas en función das actividades permitidas en cada unha delas, polas que poderán transitar os diferentes territorios en función de



CONCELLO DE BERGONDO

Estrada da Coruña, 12 - 15165 Bergondo (A Coruña) • Telf.: 981 79 12 52 • Fax: 981 79 42 33

diversos parámetros, criterios e indicadores nel contemplados, ata chegar á Fase III, na que se poñerá fin ás medidas de contención, pero manterase a vixilancia epidemiolóxica, a capacidade reforzada do sistema sanitario e as medidas de autoprotección da cidadanía. A Comunidade Autónoma de Galicia pasou á Fase II o luns 25 de maio.

O Concello de Bergondo, consciente da importancia dos obxectivos fixados polo citado Plan de desescalada, encargou á empresa competente na materia TAPREGA PREVENCIÓN DE RIESGOS SL, a elaboración dun **Plan de Continxencia**, negociado cos representantes dos traballadores, que recolle o establecemento das pautas de actuación que permitan a continuidade da prestación dos servizos garantindo a seguridade e saúde do persoal fronte á exposición ao COVID-19. Ditas pautas inclúen as medidas preventivas a adoptar durante a realización de desprazamentos, medidas de hixiene persoal, así como medidas organizativas no caso de presenza física en oficinas e/ou traballos no exterior en contacto con cidadáns ou outros compañeiros. O desenvolvemento do citado Plan supuxo, entre outros aspectos, acometer obras de acondicionamento nos edificios municipais nos que se desenvolve o traballo polos/as empregados/as municipais.

Tamén, avanzando no proceso preventivo descrito e programando axeitadamente os seguintes pasos a seguir, ditouse a Instrución núm. 4/2020, na que se establecía un protocolo de actuación para marcar a reincorporación gradual dos e das empregados/as públicos/as ao traballo presencial, establecendo para o efecto todas as medidas preventivas necesarias para evitar ou minimizar o risco de contaxio, sendo o seu obxectivo fundamental, retornar á actividade seguindo estritamente as recomendacións das autoridades sanitarias e tras aplicar as medidas que se teñan definido no correspondente plan, sobre a premisa de que en ningún caso se procedería a recuperar a actividade senon se cumprían ámbolos dous criterios.

O prazo de tres meses dende a finalización do Estado de alarma, sinalado no Real decreto-lei 15/2020, de 21 de abril, de medidas urxentes complementarias para apoiar á economía e o emprego, que no seu artigo 15, prorrogou a vixencia do establecido nos artigos 5 e 6 do Real Decreto Lei 8/2020, de 17 de marzo, establecendo que *“De acordo co previsto no segundo parágrafo da disposición final décima, da Real Decreto-lei 8/2020, do 17 de marzo, prorrógase o establecido nos artigos 5 e 6 da devandita norma. O contido destes artigos manterase vixente durante os dous meses posteriores ao cumprimento da vixencia prevista no parágrafo primeiro da disposición final décima da Real Decreto-lei 8/2020, do 17 de marzo, modificado pola Disposición Final 1.17 da Real Decreto-lei 11/2020, do 31 de marzo...”*, rematou o 21 de setembro de 2020.

Pola Instrución núm. 5/2020, desta alcaldía acordouse a continuación da situación laboral actual dos/as empregados/as públicos municipais ata o 30 de setembro de 2020, e pola núm. 5bis/2020, prorrogouse ata o 4 de outubro de 2020.

Pola Instrución núm. 6/2020, estableceronse as liñas que marcaron a situación laboral a partir do 5 de outubro de 2020, e en tanto durase a situación de emerxencia sanitaria no territorio da Comunidade Autónoma de Galicia declarada pola Resolución do 13 de marzo de 2020 da Secretaría Xeral Técnica da Consellería de Presidencia, Administracións Públicas e Xustiza, pola que se dá publicidade ao Acordo do Consello da Xunta de Galicia, do 13 de marzo de 2020, publicada no DOG núm. 50.bis) do 13.03.2020.

A citada Resolución, como ben recolle no seu punto primeiro, permite a reorganización funcional dos servizos administrativos en tanto esteamos nesta situación.



CONCELLO DE BERGONDO

Estrada da Coruña, 12 - 15165 Bergondo (A Coruña) • Telf.: 981 79 12 52 • Fax: 981 79 42 33

Con data 25 de outubro de 2020, ditouse o Real Decreto 926/2020, polo que o Goberno do Estado declara o estado de alarma para conter a propagación de infeccións causadas polo SARSCoV-2, publicado no BOE do día 26, ata o 9 de novembro de 2020.

O 29 de outubro de 2020, o Congreso dos Deputados autorizou a prórroga do estado de alarma ata o 9 de maio de 2021. Conforme o artigo 2 do Real decreto 956/2020, do 3 de novembro, polo que se prorroga o estado de alarma declarado polo Real decreto 926/2020, do 25 de outubro, polo que se declara o estado de alarma para conter a propagación de infeccións causadas polo SARS-CoV-2, a prórroga establecida no devandito real decreto estenderase desde as 00.00 horas do día 9 de novembro de 2020 ata as 00.00 horas do día 9 de maio de 2021, e someterase ás condicións establecidas no Real decreto 926/2020, do 25 de outubro, e nos decretos que, se é o caso, se adopten en uso da habilitación conferida pola disposición derradeira primeira do citado Real decreto 926/2020, do 25 de outubro, sen prexuízo do establecido nas disposicións que recolle o propio real decreto de prórroga. En consecuencia, durante a vixencia do estado de alarma e da súa prórroga, as medidas previstas no Real decreto 926/2020, do 25 de outubro, deberán adoptarse na condición de autoridade competente delegada, nos termos previstos no dito real decreto e no real decreto de prórroga

Conforme o artigo 2 do dito real decreto, para os efectos do estado de alarma, a autoridade competente será o Goberno da Nación. En cada comunidade autónoma e cidade con estatuto de autonomía, a autoridade competente delegada será quen desempeñe a presidencia da comunidade autónoma ou cidade con estatuto de autonomía, nos termos establecidos no real decreto. As autoridades competentes delegadas quedan habilitadas para ditaren, por delegación do Goberno da Nación, as ordes, resolucións e disposicións para a aplicación do previsto nos artigos 5 ao 11 do real decreto, sen que para iso sexa preciso tramitar ningún procedemento administrativo, nin será de aplicación o previsto no segundo parágrafo do artigo 8.6 e no artigo 10.8 da Lei 29/1998, do 13 de xullo, reguladora da xurisdición contencioso-administrativa.

En concreto, o artigo 6 do Real decreto 926/2020, do 25 de outubro, prevé que a autoridade competente delegada que corresponda poderá limitar a entrada e saída de persoas no territorio de cada comunidade autónoma ou en ámbitos territoriais de carácter xeograficamente inferiores á comunidade autónoma, coas excepcións previstas no artigo 6.1.

O pasado 21 de outubro de 2021, ditouse a Resolución da Secretaría Xeral Técnica da Consellería de Sanidade, pola que se dá publicidade ao Acordo do Consello da Xunta de Galicia, do 21 de outubro de 2021, polo que se declara a finalización da situación de emerxencia sanitaria no territorio da Comunidade Autónoma de Galicia, declarada polo Acordo do Consello da Xunta de Galicia do 13 de marzo de 2020 como consecuencia da evolución da epidemia do coronavirus COVID-19 (DOG núm. 203-bis, do 21.10.2021).

Tamén se publicou ao día seguinte a ORDE do 22 de outubro de 2021 pola que se establecen medidas de prevención específicas como consecuencia da evolución da situación epidemiolóxica derivada da COVID-19 na Comunidade Autónoma de Galicia e se modifica a Orde do 14 de setembro de 2021 pola que se aproba o novo Plan de hostalaría segura da Comunidade Autónoma de Galicia (DOG núm. 204-bis, do 22.10.2021).

Este recente normativa, obriga a revisar a organización do traballo no Concello de Bergondo, trala finalización do estado de emerxencia sanitaria.

2. Obxecto

Mediante a presente instrucción avánzase no proceso da reincorporación ao traballo presencial dos/das empregados/as



CONCELLO DE BERGONDO

Estrada da Coruña, 12 - 15165 Bergondo (A Coruña) • Telf.: 981 79 12 52 • Fax: 981 79 42 33

públicos/as do Concello de Bergondo comezada mediante a Instrución núm. 4/2020, en aras á volta á normalidade, trala situación de emerxencia sanitaria por mor do COVID -19.

3. Ámbito de aplicación.

As previsións contidas na presente Instrución resultarán de aplicación a todo o persoal empregado público en todos os sectores administrativos e funcionais do Concello de Bergondo.

4. Traballo a distancia

- Mantense a posibilidade do traballo a distancia do persoal municipal, segundo a definición e as condicións establecidas na Instrución desta alcaldía núm 6/2020, sempre que sexa compatible coa natureza do posto de traballo, garantindo a óptima prestación dos servizos públicos e asegurando o cumprimento das necesidades do servizo no momento actual de reincorporación paulatina á normalidade anterior á situación de emerxencia sanitaria provocada polo COVID-19 e observando unha maior presencialidade dos cidadáns para seren atendidos presencialmente polos distintos Departamentos municipais.

Esto supón que os empregados municipais, en principio, poderán seguir a traballar a distancia os días que están a desenvolver agora en aplicación da Instrución núm. 6/2020, un ou dous días á semana, segundo lles corresponda, sempre en función das necesidades do servizo e só no caso de dispoñer o/a empregado/a público/a de medios para súa prestación dende o seu domicilio.

- Dada a finalización do estado de emerxencia sanitaria, e en aras á volta gradual da normalidade, o servizo público esencial de Rexistro e Información e Atención ao público, no Servizos de Rexistro xeral e atención ao público e Urbanismo deixará de prestarse presencialmente por quendas, en turnos rotatorios, de xeito que os/as empregados/as públicos/as dende o vindeiro 1 de novembro de 2021, asistirán presencialmente ao seu posto de traballo tódolos días, como o resto dos empregados públicos municipais, agás os días que presten o seu traballo a distancia. Nestes servizos debe estar sempre presencialmente un/ha dos/as empregados/as públicos/as do mesmo.

- Dado que a prioridade municipal é a atención presencial, garantirase sempre a presenza de persoal de atención ao público en tódolos servizos municipais, polo tanto non poderán coincidir os/as empregados/as públicos/as do mesmo servizo nos días de traballo a distancia. Para acadar este fin, deberán coordinarse os/as empregados/as públicos/as de cada servizo. Priorizarase o mutuo acordo entre os/as empregados/as de cada servizo; de non acadalo, terá prioridade na elección o que teña fillos/as de menor idade.

- En todo o non regulado nesta Instrución, o traballo a distancia regúlase polo establecido na Instrución núm. 6/2020.

5. Vixencia

A presente Instrución entrará en vigor o 1 de novembro de 2021.

O resto das condicións de traballo seguirán a rexerse polas instrucións dictadas por esta alcaldía con anterioridade.

Este documento será obxecto de revisión continua, especialmente en atención ás obrigas e ás recomendacións que diten as autoridades sanitarias, e garantindo tamén a debida atención dos servizos públicos.



CONCELLO DE BERGONDO

Estrada da Coruña, 12 - 15165 Bergondo (A Coruña) • Telf.: 981 79 12 52 • Fax: 981 79 42 33

A presente instrucción será obxecto de difusión entre os/as empregados/as públicos/as mediante a súa notificación por correo electrónico corporativo e no Portal de Transparencia municipal.

Bergondo, 28 de outubro de 2021

A alcaldesa-presidenta

Alejandra Pérez Máquez